

গণ-শত্রু

সৈয়দ হাবিবুর রহমান
ইংল্যান্ড

নারী কেন কর্তৃত্ব মানবে পুরুষের?

"আব্রিজা-লু কাওয়ামু-না আলান্নসিা,বিমা ফাদ্দালান্নাহু বা-দাহুম আলা বা-দিন।
ওয়াবিমা- আন্ফাকু মিন আমওয়া-লিহিম ফাসসা-লিহাতু, কা-নিতাতুন, হা-ফিজাতুন
লিল্ গাইবি বিমা- হাফিজান্নাহ্। ওয়াল্লা-তি তাখা-ফু-না নুশু-জাহুন্না ফাআ-জিহুন্না
ওয়াহজুরু-হুন্না ফি আলমাদা-জিয়ি ওয়াদরিবুহুন।" (আল্ কোরআন, সূরা নীসা,
আয়াত নং ৩৪)

"পুরুষ কর্তৃত্ব করবে নারীর উপর, কারণ (পুরুষের দায়িত্ব রুজী-রোজগার করা
এবং নারীর ভরণ-পোষন করা, আর নারীর দায়িত্ব পুরুষের অধীনতা মেনে
নেয়া)। আল্লাহ্ প্রধান্য দিয়েছেন একে অপরের উপর। সুতরাং, নেককার স্ত্রী-
সাক্ষী নারী তারা ই, যারা মেনে নেয় পুরুষের অধীনতা এবং রক্ষা করে তাদের
দৈহিক স্ত্রীত্ব। আর যে নারী পুরুষের অধীনতা মানতে অস্বীকার করবে তাকে
প্রথমে কথার মাধ্যমে বশে আনো, তাতে যদি কাজ না হয়, তাকে তোমার
বিছানায় থাকতে নিষেধ করো তাতে ও যদি বশে না আসে তাকে প্রহার
করো।" "

কেন নারীকে রুজী-রোজগার করতে নিষেধ করা হলো?

- ১) প্রতি মাসের এক চতুর্থাংশ সময় ঋতুস্রাব।
- ২) বৎসরের প্রায় নয় মাস সন্তান গর্ভধারণ তারপর আবার দেড় মাস না-পাকি
অবস্থা।
- ৩) সন্তানকে বুকের দুধ পান করানো এবং লালন-পালন করা।

উপরোক্ত তিনটি ঝামেলার একটি ও পুরুষকে করতে হয়না বিধায় রোজগার করা
পুরুষের দায়িত্ব আর নারীকে নিষেধ করে আসলে নারীর প্রতি করুণা বা ইন্সানফ
করা হয়েছে।

(ইংল্যান্ডের একটি মসজিদের ওয়াজ মহফিলে মৌলানা নুরুল ইসলাম ওলী-পুরীর রেকর্ডকৃত বক্তব্য থেকে উদ্ধৃত)

এই বিশাল বিশ্ব-জগত পুরুষের ভুবন আর চার দেয়ালে ঘেরা ছোট্ট ঘরটিকে আল্লাহ্ কেন 'নারীর ভুবন' আখ্যা দিলেন?

"বর্তমান সভ্য জগতের একটি বড় জিজ্ঞাসা হলো, নারীর অবস্থান কোথায়, ঘরে
না বাইরে? সুরক্ষিত অন্দর মহল, না অরক্ষিত শিল্প ভুবন যেখানে আলো
অন্ধকার, সভ্য-অসভ্য, একসাথে গলাগলি করে? যুক্তি আছে উভয় দিকে। আসুন
ঐ সকল যুক্তি-তর্ক, মতলবী ভাষ্যের উর্দ্ধে উঠে নারীর সৃষ্টিকর্তা মহান আল্লাহ্র
কাছেই তার সমাধান খোঁজি। কারণ যিনি যে জিনিষ সৃষ্টি করেন তিনিই ভাল
জানেন ঐ জিনিষের অবস্থান কোথায় ভাল হবে। মহান রাব্বুল আলামীন পরিষ্কার
ভাষায় ইরশাদ করেছেন- 'তোমরা তোমাদের ঘরেই অবস্থান করো, আর প্রাচীন

মধু-যুগের নারীদের মত নিজেদেরকে প্রদর্শন করে বেড়িও না।" (সূরা আহযাবঃ ৩১)। আলোচ্য আয়াত থেকে একথা স্পষ্ট ভাবে প্রতিভাত হয় যে, আল্লাহ্‌তালা চান নারীগণ তাদের বাড়ির ভেতর থাকুক। কারণ গৃহ-কর্ম নিয়ন্ত্রণ, পরিচালনা, ও সম্পাদনের মত গুরুত্বপূর্ণ লক্ষ্যেই নারীর সৃষ্টি। অধিকন্তু এই কারণেই আল্লাহ্‌তালা নারীদেরকে 'আহ্লে বাইয়াত' বা ঘরওয়ালী বলে সম্বোধন করেছেন। আল্লাহ্‌ পাক পবিত্র কোরানে হজরত ইব্রাহীম (আঃ) এর স্ত্রী হজরত সায়েরা (রাঃ) কে 'আহ্লে বাইয়াত' বলে ডেকেছেন। প্রিয় নবীজীর জীবন সঙ্গিনী উম্মাহাতুল মুমিনিনদেরকে ও 'আহ্লে বাইয়াত' বলেছেন। এই মর্মে হজরত রাসূলে করিম (সঃ) ফরমান- 'স্ত্রী তার সামীর ঘরের অভিভাবক' (বুখারী, হাদীস নং ৮৯৩)। এর মর্ম খুবই দার্থহীন। অর্থাৎ নারীর ভূবন হলো সুরক্ষিত সংসার জগত। এই জগতের শান্তি শৃংখলা উন্নতির কথা ভাবাই হলো তার কাজ আর এ জন্যেই এ সুন্দর পৃথিবীতে তার আগমন।"

(দিলরুবা উম্মে আদীব, 'ঘর নারীর ভূবন' ২য় বর্ষ মাসিক আমল, পৃঃ ২২ Oct-Nov 2003 England,)

শ্রদ্ধেয় **নন্দিনী**, নারীর শত্রু নারী ছিলনা। বানানো হয়েছে, মিথ্যা ভয় দেখিয়ে। এই ভয় লিপিবদ্ধ করা হয়েছে প্রতিটি ধর্ম গ্রন্থে। শুধু কোরআন-হাদীস নয় তৌরীত, বাইবেল, রামায়ন-মহাভারত সব টা একই শিক্ষা দেয়। যেদিন থেকে পুরুষ ধর্ম গ্রন্থ রচনা করেছে, সেদিন থেকে নারী হারিয়েছে তার স্বকীয়তা, তার নারীত্ব, তার মানুষ হয়ে বেঁচে থাকার অধিকার। তাই আজ নারী শুধু নারীই মানুষ নয়। ধর্ম গ্রন্থ গুলোই নারীকে নারীর শত্রু হতে বাধ্য করে। শিক্ষিত মহিলাগণ ধর্ম গ্রন্থ পড়ে বোঝেন, মানেন, বিশ্বাস করেন তাই তারা নারী হয়ে ও নারীর শত্রু হতে বাধ্য হন। গ্রামাঞ্চলের অশিক্ষিত নারী যারা ধর্মগ্রন্থ পড়ে কিন্তু বোঝেনা তারা বিদ্রোহী হন।

ভালবাসার ফুল বিতরণ কারী **ফয়সল সাহেব** আপনার ফুলের জন্য অনেক ধন্যবাদ। আপনার অনেক গুলো মতের সাথে একমত হতে পারলাম না। দু একটি কথা জিজ্ঞেস করবো আশা করি ব্যাঙ্গাত্মক সূর বর্জন করে উত্তর দেবেন।

- ১) 'কলমের প্রতিবাদ কলম দিয়ে হয়, বোমা দিয়ে নয়' আর রক্তের প্রতিবাদ, সাধিকারের প্রতিবাদ কি দিয়ে হয়?
- ২) **ইহুদি বুড়ির পথের কাঁটা** সরানোর সময়-কাল কত ছিল, আর নয়টি যুদ্ধে নবীজী স্যং সেনাপতি ছিলেন ঐ যুদ্ধ গুলোর প্রেক্ষাপট বা কারণ সমূহ কি ছিল?
- ৩) 'মুক্ত-মনা গণ সত্য-মিথ্যার ককটেল বানিয়ে ইসলাম ধর্ম আর ঐ ধর্মের মহাপুরুষের পোষ্টমোর্টেম করে ছেড়েছেন' উক্তির দিকে একটু অঙ্গুলি-নির্দেশ করুন প্লীজ।
- ৪) 'আমেরিকা তাদের প্রভু' কথাটা কি আহত করার লক্ষ্যে অভিশাপ, নাকি বাসন্তির শুভেচ্ছা?

আজ এ পর্যন্ত- **চলবে**

